



Jibo dêbavên ku xizmetên bin piştevaniya malî ya IRCC behreyê werdigirin

TEVAHIYA ZANYARÎ Û AGAHİYÊN KU DIVÊ LI SER BERNAMEYA BALDARIYA JI ZAROKÊN TEZEHATÎ (CARE FOR NEWCOMER CHILDREN – CNC) BIZANÎ

Bi xêr hatî! Bernameya CNC bi awayekî taybetî hin zarokan e ku digel malbata xwe hatine Kanadayê û ji xizmetên ku bin piştevaniya malî ya IRCCyê ne, behreyê werdigirin. Em dixwazin alîkariya te bikin.

Em dizanin ku dema niha heyameka guhertinê bo te û malbata te ye. Armanca me ev e ku hevdem digel bicihbûna te li Kanadayê, em ê alîkariya te bona geşepêdana reftarî û xurtkirina pêbaweriyê li zarokê te bikin da ku hesta kêfxweşî, ewlehî û parastinê bike.

**DEMA KU ZAROKEK
LI NAV BERNAMEYA
CNCYÊ YE, DÊBAV
DIVÊ KU DI
TEVAHIYA DEMÊ
DA LI ŞÛNÊ
AMADE BIN.**

Tu tiştêk ji ewlehiya zarokê te girîngtir nîne!

Bila xeyala te rihet be, ji ber ku kedkarên me xwedan merc û bi ezmûn in.

- Tevahiya kedkarên me xwedan berbihuriya çê û baş in û perwerdehiyên seretayî derbas kirine.
- Em sozdarê pêwîstiyên CNCyê ne û di bin çavdrêiyê da ne da ku dilniyayî û piştrastbûn pêk were ku standardên tendurustî û ewlehiyê tîn berçavgirtin.
- Jibo piştrastbûna ji vê yekê ku liv û tevgerên me derheq tevahiya zarokan yeksan û beranber e, em li gorî rêbaz û stratijiyekê tevdirigerin. Kedkar pêwîst e ku ji riyên erênî liv û tevgeran xurt bikin. Tmbîhkirina fîzîkî an axaftina tund bi zarokan ra rêpêdayî nîne; Her wiha hêsankarî an kêmkirina sergêrî û çavdrêiyê.
- Kedkaran erka xwe ya pêşeyî û soza qanûnî hene ku her rewşekê ku bûye sebaba azirandina zarok an her rewşa ku têda zarok ketiye ber hêsankarî û nebûna çavdrêiyê, ji ber berpîrsên tîkildar ra bêjin.

Heke tu hez dikî li vî warî da zêdetirê bizanî dikarî kopiyek ji stratijiya reftarî an stratijiya gumana reftara neçê / hêsankariya derheq zarok ji me bixwazi.

Dikarî çi çaverêtiya te ji CNC hebe?

Renge şewaza me jibo baldariya ji zarokan li atmosfêreka komkî li Kanadayê cihê digel welatê te be. Heke li bara şewaza rêkûpêkbûn, xwarin, ziman, perwerdehî an babetên rûtîn û rojane yê me pîrseka te heye, ji kerema xwe bipirse. Lêkolînî nîşan didin ku zarok ji riya listinê va fêr dibin, lewma kedkarên me çalakîyêln fêrkirinê bi mijara listinê, fêrkirina li gorî meyl û eleqeyê, temen, şiyar û çand û debûresmên zarokan plan dadirijînin. Zarokê te tîkilliya digel zarokên din fêr dibe û pisportî û hostetiyên amadebûna bo dibistanê li zarokê te geştir dibin.

Çawa tu dikarî ji zarokê xwe ra bibî alîkar da ku li gorî bernameya CNC saz bibe?

Ev tiştêk xwezayî ye ku zarokê te di destpêka bernameya CNCyê da bitirse. Kedkarên me dê hevkarîya te bikin ku ev qonax hêsantir bibe, lê di destpêka bernameyê da renga zarokê te bigirî, xwe ji te veneqetîne an liv û tevgerin din ji xwe nîşan bide. Bona agahbûna li ser vê yekê ku çawa dikarî tîrsa zarokê xwe birijîni, pirtûka *Bi xêr hatî CNC'yê: Rênimûna dêbavan bona cidabûna hêdî hêdî bixwaze.*

Têkilliya di navbera dêbav û kedkaran girîng e!

Em bi xurtî şîret û pêşniyar dikin ku digel kedkarên CNC'ya me ra nasyar bî û agahiyên ku te li ser zarokê xwe heye, bi wan ra bêje. Dema ku em tevahî hevkarîyê dikin, em baştir dikarin alîkariya zarokan bikin û bi ewlehî wan xweyî bikin.

TEVAHIYA ZANYARÎ Û AGAHİYÊN KU DIVÊ LI SER BERNAMEYA BALDARIYA
JI ZAROKÊN TEZEHATÎ (CARE FOR NEWCOMER CHILDREN – CNC) BIZANÎ

Li van babetan teqez kedkaran agah bike:

- hestiyarî an sîndariyên xwarinê;
- nexweşiyên zarok an dermanên ku mesref dike (Ji kerema xwe balder be: Derman tenê di rewşên bi xeter ji hêla canî vat ê dayînê û nabe ku li ber destê zarok an li nav çenteyê wî/ê be ku bi xwe bi kar bîne;
- û hewcetî û kêşeyên taybet. Ewna renge bikarin beşdar bin!

Agahkirina kedkaran li van babetan ji renge sûdmend be:

- bernameya xewa kurtedem a rojane an xwarina zarokê;
- meyl û meraq û xwarinên hezkirî yên zarok;
- peyvên ku renge jibo têkillidanîna bi zarok ra sûdmend bin;
- hin agahî li bara malbat û hevtemenên zarok li nav malê (An anîna wêneyeka malbatê);
- riyên taybet ku tu bona baldariya zarokê xwe bi kar tinî û tiştê ku renge ji CNC'yê bixwazî.

Tiştên din ku renge li bîra te bin:

- Jibo ewlehiya zarokê xwe, tenê kesek ji dêbavan ku bona xizmetan navê wî/ê hatiye nivîsîn, dikare zarokan bi xwe ra bîne an wan bi xwe ra bibe.
- Tu hertim divê ku di dema hatin û derketina zarokê xwe, lênivîsa hatûçûnê îmze bikî.
- Kincê ku zarok li ber xwe dike gere ku li gorî rewşa hewayê û çalakiyên ku dê li bernameyê pêk bîne, be. Heke li bara cûreya kincê ku divê zarok li ber xwe bike, pirsêka te heye, ji kedkaran bipirse.
- Ev yek girîng e ku bi awayê rêkûpêk zarokê xwe bînî vê derê ta ku bernameya çalakiyên wî/ê yên hertimî bîn parastin û bo dibistanê amade be. Heke zarok neçar be ku neyê navendê, ji kedkaran ra bêje.
- Heke zarokê te nexweş e, wî/ê neyne navendê da ku bi vî rengî rê li ber berbelavbûna nexweşiyê bê girtin. Zarokê ku Ta heye an tûşî vijik û îzhalê bûye, bila piştî 24 saetan ku tu cûre nişane û dûhatên nexweşiyê lê nemane, bo CNC'yê bê anîn.

HER TIŞT LI SER BERNAMEYA ME YA CNC'YÊ

Navê perestaran: _____
Caregiver's Name / Nom du dispensateur de soins

Saetên CNC'yê: _____
CNC Hours / Heures de garde d'enfant

	Erê Yes / Oui	Na Non / Non
Ewlehkirin pêwîst e Immunization required / L'enfant doit avoir été vacciné	<input type="radio"/>	<input type="radio"/>
Em wadeyên xwarinê diidn zarokan We provide snacks / Nous fournissons des collations	<input type="radio"/>	<input type="radio"/>
Jibo navroj/ an xwarina navîn a zarokê xwe, madeyên xwarinê bi xwe ra bîne Bring food for your child's lunch/snack / Apportez le déjeuner/la collation de votre enfant	<input type="radio"/>	<input type="radio"/>
Di dema navrojxwarinê da, tu li ba zarokê xwe dimîni You care for your child at lunch / Vous prenez soin de votre enfant au déjeuner	<input type="radio"/>	<input type="radio"/>
Zarokan dema xwe ya razana rojane hene We have a naptime / Notre programme prévoit une sieste	<input type="radio"/>	<input type="radio"/>

	Erê Yes / Oui	Na Non / Non
Pêlistokên hezkirî yên zarokê xwe bi xwe ra bîne Bring a comfort toy / Apportez un jouet réconfortant	<input type="radio"/>	<input type="radio"/>
Kincên zêde bo zarokê xwe bîne Bring extra clothes / Apportez des vêtements supplémentaires	<input type="radio"/>	<input type="radio"/>
Solên hundirîn bo zarokê xwe bîne Bring indoor shoes / Apportez des chaussures d'intérieur	<input type="radio"/>	<input type="radio"/>
Petû anku lihêfekê bîne (Heke pêwîst e) Bring a blanket (if needed) / Apportez une couverture (si nécessaire)	<input type="radio"/>	<input type="radio"/>
Pûşek û paçikên zarokê bîne (Heke pêwîst e) Bring diapers (if needed) / Apportez des couches (si nécessaire)	<input type="radio"/>	<input type="radio"/>



**ALÛKARIYA BO BALDARÎ Û BICIHBÛNA
ZAROKÊN KOÇBER**

Dêbav dikarin bona bidestxistina çavkaniyên agahiyên zêdetir serî li malpera www.cmascanada.ca



**Care for
Newcomer
Children**